

Zeitschrift: Heimatschutz = Patrimoine
Herausgeber: Schweizer Heimatschutz
Band: 64 (1969)
Heft: 1-de: Gedenkschrift für Dr. Dr. h. c. Ernst Laur

Artikel: Ingrazchamaint da la Svizra rumantscha
Autor: Stricker, Aita
DOI: <https://doi.org/10.5169/seals-174115>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 16.07.2025

ETH-Bibliothek Zürich, E-Periodica, <https://www.e-periodica.ch>

speculazione privata. Lo dichiarò esplicitamente allorché prese commiato da questo ente preposto alla difesa del patrimonio nazionale. Non per nulla Egli contava nel nostro Cantone vecchie ed illustri amicizie. La Svizzera Italiana ha tutte le ragioni per onorarne la memoria. Noi siamo grati a

Ernesto Laur per la grande lezione di elvetismo e, insieme, di europeismo, che ha saputo dare alla Svizzera alemannica, e per la comprensione e l'appoggio dimostrati in favore delle minoranze etniche, nel corso di un'attività esemplare, di alto valore civico e culturale.

Ingrazchamaint da la Svizra rumantscha

«*Lascha esser teis fats sco teis pledges e teis pledges sco teis fats.*»

La vita da dr. dr. h. c. Ernst Laur as revellet i'l plü profuond maniamaint da quaists pledges dad J. C. Lavater. – Scha'l clam da tschella riva nan nu füss gnu usche bod, sül far saira, avess il otstimà defunt vuglù lovar amo bleras mannas suot tet. Mo al ur dal champ stet quel oter grand tschuncader e det cumand da metter las armas our dal man. La Svizra perdet ün da seis meritaivels figls, ün hom d'admirabels duns spiertals e da grandas capacitats da caracter ed indschegn.

Cun noss'Engiadina resta seis nom collià usche lönci chi darà admiratuors da sia sublima natüra.

Usche bain sco cha Friedrich Nietzsche ais stat degn d'üna tabla da commemoraziun sulla penisla Chastè a Segl, meritess eir Ernst Laur, ch'ün s'allgordess dad el, cur ch'ün admira quella cuntrada dad unica bellezza.

D'ün spiert cun Robert Ganzoni, chattet el cha l'Engiadina saia degna dals plü grands sforzs, ch'ün uman sà prestar. La protezion da seis admirabels lais l'inspiret a l'idea da clamar il pövel svizer al salvamaint dal lai da Segl per mez dal taler da tschiculatta. Cha quaist'idea geniala ha salvà amo blers oters monumaints natürals e culturals tuot chi sà.

Dr. Ernst Laur ais stat il figl dal baincunschaint e respettà secretari paурil a Brugg, dr. dr. h. c. Ernst Laur, mort in ot'età dal 1964. In stret connex cull'ouvrà da la vita

dal bap, as sviluppet quella da seis grand figl, il qual nus cumplandschain hoz cun cour agravà.

Daspö l'an 1930 fin a sia mort, ha Ernst Laur, insembe cun sia consorta, administrà l'Ouvra per Lavur chasana a Turitg, chi gnit fuondada a. s. t. cun mez da la Confederaziun, da l'Associaziun da Paurs svizra a Brugg ed otras instituziuns. Seis böt eira ed ais restà quel, da procurar al pövel muntnard ün quadagn sperapro, mo bain eir da svagliar in el danövmaing il sen creativ, chi per buna part eir i pers, per s-chaffir buna e bella lavur manuala ed artischana in sias differentas pussibiltats e variazions. Per ragiundscher quaist intent füt que bainbod necessari da fuondar üna scoula, ingio forzas qualifichadas staivan a disposiziun per dar l'amuossamaint indispensabel illas varias lavurs manualas ed artischanas. I'l vegl «Muglin» a Richterswil gnit acquistà e fabrichà oura e da là davent van an per an ils muossaders our'ils comüns a muossar a juvens paurs a dovrar resgia, martè e splana, o chazoula, per ch'els possan as güdar svessa in ed our d'chasa, cun cumodar e far lavurs cun agens mans. A Richterswil chattet eir la stüva da tessanda, viavant a Brugg, dürabla dmura. Bleras zunzas vegnan là instruidas e tuornan alura inavo in lur vallas, promovand uschea il plaschair per la tessanda a man, e procurand quadagn accessori. Pero nö be lavurs praticas vegnan muossadas a Richterswil. Eir quell'artischana: intagl da lain, Pittura sün üschs e s-chaffas, chaistas, chünas e plats prospesi-



4. April 1968. Dr. Laur auf Besuch bei der Handweberin Verena Leuenberger in ihrem Stöckli auf Bleiken bei Oberdiessbach (Bern).

rescha. – La fuondaziun da la scoula Richterswil ais ün'ouvra dad Ernst Laur da granda portada culturala e sociala.

L'amur per sia patria e la volontà da mantegner la bellezza da sia natüra, han stimulà al defunt da cumbatter adüna darcheu cun curaschi e perseveranza per cuntradas periclitadas dal spiert speculativ da nos temp. El nun eira cunter ün san progress ed adattamaint als bsögns da noss dis, mo vezzaiva cun ögls averts ils privels chi immatschaivan, dan's privar da bains irreparabels.

Patria – natüra – cultura – in seis grand e vast connex e sia expressiun – significhai van per Ernst Laur ün unic accord, chi redschaiva cour ed orma in tuot seis far e pensar.

Sco ami da nossa tschantscha, avaiva dr. Laur imprais nossa lingua. El legiaiva noss scripturs; la poesia da Jon Guidon til eira chara.

Dürant 30 ans ais dr. Laur stat president de la Società svizra da costüms. Sia devisa clera e concisa eira: il costüm ais daplü co ün solit büschmaint. El ais il vesti naziunal e dà perdütta da nossa derivanza. Til portar significha da star aint per ils bains spiertals e culturals da nossa patria. El dess esser expressiun da quaista nossa volontà. In quaist plü profuond sen vuless esser in clet il movimaint a pro dals costüms. Dr. Ernst Laur ans ais stat exaimpel, manader e cussgliader. Grazcha a seis nöbel cour ais el stat nos ami. –

Per tuot quai cha Ernst Laur ha prestà pel bön da la cultura da nos pajais, ais el gnü undrà dal 1963 dal Politecnic federal cul dr. h. c. Quaist'onur ha el davaira merità. Nus eschan grats al destin ch'el das-chet verer a crescher e flurir la semenza da seis champ d'operiusità.

Aita Stricker
Presidenta da la Società grischuna da costüms